

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA TATU

KIKAO CHA HAMSINI NA MOJA

15 JUNI, 2021



ORODHA YA SHUGHULI ZA LEO

MKUTANO WA TATU

KIKAO CHA HAMSINI NA MOJA – TAREHE 15 JUNI, 2021

I. DUA:

II. MASWALI:

OFISI YA RAIS (TAMISEMI):

420. **MHESHIMIWA SAASHISHA ELINIKYO
MAFUWE (HAI):**

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, ni lini Serikali itanza kutekeleza ahadi iliyotolewa na Mheshimiwa Rais ya ujenzi wa Barabara ya Bomang'ombe – Rudugai – Chekimaji – Kikafu chini – Kawaya – Mijengweni – Shing'oro Mferejini hadi Mako.

421. **MHESHIMIWA MUHARAMI SHABANI
MKENGE (BAGAMOYO):**

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, ni lini ahadi ya Mheshimiwa Rais ya ujenzi wa barabara ya lami yenye urefu wa Kilomita tano ndani ya Mji wa Bagamoyo itatekelezwa.

422. MHESHIMIWA ANATROPIA LWEHIKILA THEONEST (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, Serikali ina mkakati gani wa kutekeleza Sera ya Afya ya kuwa na Kituo cha Afya kwa kila Kata ili kupunguza vifo vya Mama na Mtoto.

WIZARA YA NISHATI:

423. MHESHIMIWA SILVESTRY FRANCIS KOKA (KIBAHA MJINI):

Atamuuliza Mheshimiwa Waziri wa Nishati:- Mradi wa kusambaza umeme katika Jimbo la Kibaha Mjini unakwenda kwa kusuasua:-

Je, ni lini Mradi huo utakamilika ili Wananchi wa Kibaha Mjini waondokane na adha ya umeme.

424. MHESHIMIWA SEBASTIAN SIMON KAPUFI (MPANDA MJINI):

Atamuuliza Mheshimiwa Waziri wa Nishati:-

Je, Serikali ina mpango gani wa kuongeza kasi ya kufikisha Umeme wa Msongo mkubwa katika Mkoa wa Katavi.

425. MHESHIMIWA DAIMU IDDI MPAKATE (TUNDURU KUSINI):

Atamuuliza Mheshimiwa Waziri wa Nishati:- Jimbo la Tunduru Kusini lina Vijiji 6 vyenye umeme kati ya 65:-

- (a) Je, ni lini Mradi wa REA awamu ya tatu utaanza;
- (b) Je, ni lini umeme wa ujazilizi wa maeneo ambayo hayana umeme hasa Vitongoji vya Vijiji vya Azimio, Chiwana, Umoja, Mkandu, Mbesa, Airport, Namasalau, Tuwemacho, Ligoma, Mchuruka na Makoteni vitapatiwa umeme.

WIZARA YA MAWASILIANO NA TEKNOLOJIA YA HABARI:

426. MHESHIMIWA MARGARET SIMWANZA SITTA (URAMBO):

Atamuuliza Mheshimiwa Waziri wa Mawasiliano na Teknolojia ya Habari:-

- (a) Je, ni lini Kata 16 zisizo na mawasiliano ya simu katika Wilaya ya Urambo zitapatiwa mawasiliano na kuwaondolea Wananchi adha ya kukosa mawasiliano;

- (b) Je, ni kwa nini baadhi ya maeneo yana Minara ya simu lakini kuna matatizo ya mawasiliano.

WIZARA YA UJENZI NA UCHUKUZI:

427. MHESHIMIWA SAMWELI XADAY HHAYUMA (HANANG’):

Atamuuliza Mheshimiwa Waziri wa Ujenzi na Uchukuzi:-

Je, ni lini Serikali itaanza ujenzi wa Barabara ya Katesh – Haydom kwa kiwango cha lami ili kuwarahisishia Wananchi kupata huduma za

- afya katika Hospitali ya Haydom pamoja na usafirishaji wa mazao hasa ngano.

WIZARA YA MAJI:

428. MHESHIMIWA SEIF KHAMIS GULAMALI (MANONGA):

Atamuuliza Mheshimiwa Waziri wa Maji:-

Je, ni lini Serikali itatekeleza ahadi ya Makamu wa Rais ya kupeleka maji ya Ziwa Victoria katika Tarafa ya Simbo na Manonga katika Jimbo la Manonga.

WIZARA YA VIWANDA NA BIASHARA:

429. MHESHIMIWA JOSEPH ZACHARIUS KAMONGA (LUDEWA):

Atamuuliza Mheshimiwa Waziri wa Viwanda na Biashara:-

- (a) Je, ni lini Wananchi wa Ludewa ambao maeneo yao yamechukuliwa na Serikali kwa muda mrefu kwa ajili ya ujenzi wa Mradi wa Liganga na Mchuchuma watalipwa fidia;
- (b) Je, ni lini Mradi wa Liganga na Mchuchuma utanza kufanya kazi ili kuinua uchumi wa Mkoa wa Njombe na Taifa kwa ujumla.

III. MISWADA YA SHERIA YA SERIKALI:

(Kusomwa Mara ya Kwanza)

Muswada wa Sheria ya Fedha wa Mwaka 2021 (*The Finance Bill, 2021*).

IV. HOJA ZA SERIKALI:

WAZIRI WA FEDHA NA MIPANGO:

Kwamba, Bunge sasa likubali Kujadili Hali ya Uchumi wa Taifa kwa Mwaka 2020 na Mpango wa Maendeleo wa Taifa kwa Mwaka wa Fedha 2021/2022.

Kwamba, Bunge sasa likubali Kupokea na Kupitisha Makadirio ya Mapato na Matumizi ya Serikali kwa Mwaka wa Fedha 2021/2022.



DODOMA
15 JUNI, 2021



N.J. MWIHAMBI, *ndc*
KATIBU WA BUNGE